



UGOVOR o javnoj nabavci postrojenja za regulaciju pritiska i mjerenje protoka gasa

KJKP Sarajevogas, Sarajevo, Ul. Trg Fadile Odžaković Žute br. 4, Sarajevo, BiH,
Koga zastupa: V.D. Direktor Preduzeća Samir Pajević, dipl.ing.maš. (u daljem tekstu: Kupac),

i

«Unis Fagas d.o.o.», Ul. Rajlovačka b.b., 71000 Sarajevo, BiH,
Koga zastupa: Direktor Alen Gradašćević, (u daljem tekstu: Prodavac),

Član 1.

Predmet ovog Ugovora je nabavka postrojenja za regulaciju pritiska i mjerenje protoka gasa po provedenom otvorenom postupku nabavke br. TD-05-04/20. Prodavac je dostavio ponudu na Aneksu IV - Obrazac za cijenu ponude, koji je priložen uz ovaj ugovor i predstavlja njegov sastavni dio.

Član 2.

Ugovorna vrijednost robe iz člana 1. ovog ugovora, bez PDV-a iznosi: **449.300,00 KM (slovima: četiristotinečetdesetdevethiljadtristotineKM)**. Jedinčne cijene su fiksne i neće se mijenjati u toku realizacije ovog ugovora.

Član 3.

Prodavac će robu iz člana 1. ovog ugovora isporučivati i fakturisati prema sukcesivnim narudžbama Kupca tokom trajanja ugovora. Prodavac će robu iz člana 1. isporučiti u roku **160 (stotinušezdeset) dana** od prijema narudžbe Kupca. Ugovorne strane su saglasne da se kvalitativni i kvantitativni prijem isporučene robe izvrši od strane ovlaštenih predstavnika svake ugovorne strane u skladištu Kupca na Butilama. Komisija će za isporučenu robu sačiniti Zapisnik o kvantitativnom i kvalitativnom prijemu robe.

Član 4.

Prodavac će fakturisanje isporučene robe vršiti po jediničnim cijenama iz Aneksa IV - Obrazac za cijenu ponude, priloženog uz ovaj ugovor. Plaćanje isporučene robe Kupac će izvršiti u roku od **30 (trideset) dana** nakon izvršene isporuke robe od strane Prodavca i uredno ispostavljene fakture, na transakcijski račun naznačen na fakturi Prodavca.

Član 5.

Obaveza Prodavca je da u roku od **sedam (7) dana** računajući od dana potpisivanja ovoga ugovora dostavi Kupcu garanciju za dobro izvršenje posla u iznosu od **10% od vrijednosti ugovora, odnosno u vrijednosti od 44.930,00 KM**, u obliku bezuslovne bankarske garancije sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Ukoliko Prodavac obavli sve isporuke i sve ugovorene poslove kvalitetno i u roku, Kupac će u roku od petnaest (15) dana nakon realizacije ugovora Prodavcu vratiti pomenutu garanciju.

Ukoliko Prodavac ne dostavi traženu garanciju u zadanom roku iz stava 1. ovog člana, zaključeni ugovor će se smatrati apsolutno ništavim.

Član 6.

Obaveza Prodavca je da isporuku robe izvrši u roku, količini i kvaliteti kako je ugovoreno. Isporučena roba mora u svemu odgovarati tehničkim karakteristikama i uslovima datim u tenderškoj dokumentaciji Kupca i prihvaćenoj ponudi Prodavca. Uz isporučenu robu Prodavac je obavezan dostaviti dokumenta zahtjevana tačkom B. Aneksa IV - Napomene.

Utvrđuje se garantni rok za ispravno funkcionisanje za svako isporučeno postrojenje u trajanju od **12 (dvanaest) mjeseci** od dana isporuke robe.

Ukoliko se Prodavac ne bude pridržavao odredbi preciziranih ovim ugovorom, Kupac zadržava pravo da predmetnu robu vrati na teret Prodavca uz naknadu prouzrokovane štete.



Član 7.

Kupac i Prodavac se neće smatrati odgovornima za zakašnjenje u ispunjenju obaveza prema ovom Ugovoru, neposredno ili posredno, ako je zakašnjenje uslijedilo usljed više sile. Pod višom silom podrazumijevaju se slučajevi koji se mogu pojaviti poslije stupanja ugovora na snagu, a koji nisu pod kontrolom ni jedne ugovorene strane, niti se objektivno mogu predvidjeti, a sprečavaju jednu ili obje ugovorne strane.

Član 8.

Prodavac nije ovlašten da zaključuje podugovore sa drugim licima u cilju realizacije ugovornih obaveza bez predhodnog pismenog odobrenja Kupca.

Član 9.

Ukoliko se Prodavac ne bude pridržavao odredbi utvrđenih članom 3. i 6. ovog ugovora, Kupac zadržava pravo da zaračuna penale u iznosu od 1% za svakih sedam dana kašnjenja, ali tako da cjelokupan iznos penala ne može biti veći od 5% ukupne vrijednosti ugovora.

Član 10.

Ukoliko Kupac u ugovornom roku iz člana 4. ovog ugovora ne plati cijenu za isporučenu robu obavezan je Prodavcu isplatiti i zateznu kamatu u skladu sa zakonom i drugim propisima koji uređuju ovaj institut.

Član 11.

Ovaj ugovor se zaključuje na period od 1 (jedne) godine počev od dana potpisivanja istog. U slučaju raskida ugovora, ugovorna strana koja traži raskid ugovora obavezna je da o svojoj namjeri obavijesti drugu ugovornu stranu pismeno sa otkaznim rokom od 30 (trideset) dana.

Član 12.

Ugovorne strane su saglasne da Prodavac neće zapošljavati, odnosno angažovati fizička i pravna lica koja su učestvovala u pripremi tenderske dokumentacije ili bili angažovani kao članovi ili stručna lica u Komisiji za nabavku nadležnoj za dodjelu navedenog ugovora o javnoj nabavci. Ograničenja u smetnji iz stava 1. ovog člana traju 6 (šest) mjeseci od dana zaključivanja ugovora.

Član 13.

Na sve odnose i institute koji nisu navedeni u ugovoru, a pojave se prilikom realizacije, primjenjivati će se odgovarajuće odredbe Zakona o obligacionim odnosima.

Član 14.

Ovaj ugovor stupa na snagu danom potpisivanja od strane obje ugovorene strane, a sačinjen je u 4 (četiri) istovjetna primjeraka, od kojih svaka ugovorna strana zadržava po 2 (dva) primjerka.

Član 15.

Sve nesporazume do kojih dođe u realizaciji ovog Ugovora, a koji se ne mogu riješiti u duhu dobrih poslovnih odnosa, rješavat će nadležni sud u Sarajevu.

Za Prodavca:

Direktor Alen Gradašćević

Broj ugovora, 029/20



Za Kupca:

V.D. Direktor Preduzeća Samir Pajević, dipl.ing.maš.

Izvršni direktor Alisa Konaković, dipl.iur.

Broj ugovora, 9670

23-04-2020